

兵部則例



兵部則例

職方清吏司

公式三

綠旗

一章奏文冊。順治初年定。提鎮將慶賀表箋。遺
忘推諉不奏。或將字樣舛錯遺漏者。罰俸一年。
不列職名。夫用印信。及用印歪斜模糊顛倒。繕
寫潦草破裂染污者。罰俸六月。○又定。武職各
官。一應文移。皆鈐用印信。無印信者鈐用關防
條記。均編列號數封發。不許擅用空白。致滋假



捏增減之弊。若有擅用空白者。罰俸一年。督撫提鎮不能察出者。罰俸六月。○康熙十一年題。準提鎮本章緊要之字。貼黃內遺漏。貼黃所有之字。本章內遺漏。或疏冊互異者。均罰俸三月。○又議準。提鎮將督撫職掌之事。擅自題奏者。罰俸三月。越叅文職者。罰俸一年。所叅之事不議。○又議準。提鎮有不繫密事。妄稱密奏。及借公行私。以私事具奏者。降二級調用。至一應本章。有不應密而密者。罰俸六月。○又議準。前任官題奏準行之事。續經題奏停止。後任官不察。

停止緣由。仍照舊行者。罰俸六月。○三十八年議準。提鎮不許於遺本內薦舉屬官。○四十二年議準。督撫提鎮會題之事。有因錯謬遲悞奉旨議處者。察明何繫。奉行具題。何繫列名具題。分別輕重議處。如奉行具題官例。應議以草職者。將列名具題官降四級調用。奉行具題官降級調用者。列名具題官降一級留任。奉行具題官降級留任者。列名具題官罰俸一年。奉行具題官罰俸一年者。列名具題官罰俸六月。奉行具題官罰俸六月者。列名具題官罰俸三月。奉行具

題官罰俸三月者。列名具題官免議。○又覆準督撫提鎮會議之事。並未會議畫題。遽稱合詞具題者。罰俸六月。○又議準草職降級之武職各官。以冤枉控告者。如果有冤枉。該督撫提鎮方許題奏。如將並無冤枉之事。溷行題奏者。將督撫提鎮降一級留任。轉詳官降二級調用。若將並無冤枉之事。並不詳察。推卸咨部者。將具咨之督撫提鎮罰俸一年。○五十三年議準各省提塘除傳遞公文本章。並奉

旨科鈔事件外。其餘一應小鈔。概行嚴禁。違者照刷

造小說淫辭例。草職治罪。○雍正五年議準。凡提鎮本章。事關緊要者。將副本揭帖。用密封字樣。封固投遞通政使司。咨呈各部院公文。有關緊要之事者。亦密封投遞。在京各部院有緊要之事。咨劄各省提鎮。亦密封發遞。該提鎮親拆收貯。至提鎮與督撫并屬官往來公文。繫緊要之事。亦用密封。投到親拆收貯。如將應密之事不密。以致漏洩。重者降一級留任。輕者罰俸九月。○六年議準。提鎮辦理大小公事。均用題本鈐印。本身私事。均用奏本。不準鈐印。如有應用

題本而用奏本。應用奏本而用題本者，罰俸三月。○七年議準，保題官員督撫提鎮有應列名會稿者，出具會題印結隨本送部。○又覆準提鎮等題奏本章如奉

旨飭行者，遵

旨飭行者，若奉

旨，交部察議者，將該提鎮等照在京各衙門錯誤本章例，罰俸一月。○九年奉

旨，文武官有將地方不可施行之事妄行條奏舉行，經後人復請更改者，將原奏之人交部議處。倘原奏本

是而後人妄行指摘，或有意翻案者，經朕察出，亦必從重議處。將此永著為例。○十一年議準，提鎮摺奏之事，奉有

硃批諭旨，於下次奏事之時，封固恭繳。倘任意遲延，及隱匿不繳者，革職。○乾隆三年奏準，提鎮病故，任內應繳

硃批諭旨，有子孫隨任者，於原任省分呈送就近之督撫提鎮代為恭繳。子孫在他省者，於所在省分呈送就近之督撫提鎮代為恭繳。至休致降革提鎮，任內奉到

硃批諭旨有應繳者呈送就近督撫提鎮代為恭繳
其降草來京候

旨之提鎮有應繳

硃批諭旨呈部代為恭繳○又議準提鎮密封陳奏
之事關繫重大若彼此關通商酌以致漏洩一
經發覺按事輕重議處○四年議準武職各官
來往文移及呈報上司事務均於正面及年月
之上鈐用印信內有粘補字樣及增注錯落接
扣之處皆以印信鈐蓋有漏用者罰俸一年○
五年議準武職衙門有印信者於封印前一日

酌量應需文冊封套牌劄等項之數準將印信
預用空白加謹收貯以備封印後遇有緊要之
事填用仍登記用過數目開印日將未用者驗
明銷燬如收用不謹以致溷冒作弊按其事之
大小照例議處不能察出之上司罰俸六月○
十三年

諭向來各處本章有題本奏本之別地方公事則用
題本一已之事則用奏本題本用印奏本不用印
沿自前明蓋因其綱紀廢弛內閣通政使司借公
私之名以便上下其手究之同一入告何必分別

名色著將向用奏本之處概用題本以示行簡之意將此載入會典欽此○又議準各省提塘鈔發本章必須謹慎有應審之事必俟科鈔到部十日之後方許鈔發如有邸報先於部文者該督撫將提塘叅處○十八年

諭元旦長至萬壽三大節外省文職臬司以上武職副將以上例得隨進表箋稱賀朕思督撫提鎮封疆大吏事皆專達表賀為宜藩臬副將既不得專達章疏其由督撫附進表箋亦可不必須且不過由部送閣存貯並不呈覽此亦向來虛文陋習甚無

取焉其槩停止欽此

一儀制康熙十四年題準

車駕巡幸所過地方守備以上等官接送之處臨時由鴻臚寺具奏請

旨如所定里數之內有一次不到者罰俸一年兩次不到者降二級調用○三十三年奏準提鎮

勅書內閣撰出由部發給該省提塘領交○又議準提鎮到任前一日署事官將印信關防等項遣官齎送○又議準武職各官將

勅書

誥命質當者。草職。其

勅書

誥命及劄付關防。收藏不謹。以致朽爛并損壞者。罰俸六月。如被水火盜賊毀失者。免議。均仍補給。○又議準。武職各官。印信模糊。不詳請鑄換者。罰俸六月。督撫提鎮不據詳題咨者。亦罰俸六月。若已換新印。不將舊印繳部者。亦照此議處。○三十九年覆準。官兵人等。越分僭用服色。如五爪龍立龍團補服之類者。繫官草職。繫兵枷一月。責四十板。僭用之物入官。未經察出之專

管官。每案罰俸三月。兼轄官。每二案罰俸三月。統轄官。每三案罰俸三月。僭用尋常服色者。繫官罰俸一年。繫兵責二十板。未經察出之專管官。每案罰俸一月。兼轄官。每二案罰俸一月。統轄官。每三案罰俸一月。○四十二年覆準。武職各官。於應用朝服之日不用。及違例錯用者。罰俸一月。○又覆準。外任武職各官。辭

朝不投職名者。罰俸三月。○五十年議準。提督有事故離任。印信交總兵官署理。總兵官有事故離任。印信交副將護理。如該鎮未設有副將者。

即交叅將護理○雍正三年

諭各省督撫提鎮頒有王命旗牌所以重節鎮之權。崇
天室之威也。但傳守既久。或遇地方卑濕。蟲蛀漆剝。
或因歷歲滋多。形製毀敝。而該督撫提鎮以王命旗
牌損壞。例有叅處。但藏之神筭。不敢修整。甚有預防
損壞。將所頒王命旗牌收貯。照樣別造者。尤為不可。
嗣後各督撫提鎮所頒王命旗牌。務須加謹。收護勿
致損傷。亦不得別造。其有地方卑濕。歷歲滋多。不免
蟲蛀漆剝。形質毀敝者。從寬免其處分。聽其一面照
式整修。一面咨部。欽此○四年

諭武職有整飭營伍操演兵丁之責。理宜服習騎射。為
士卒先。近聞副將游守等官。竟有乘轎不乘馬者。習
安養惰。莫此為甚。且身為武臣。而以乘馬為勞。與職
守大相違背。何以訓練兵丁。嗣後副叅游守等官。槩
不許乘轎。以長怠惰之習。倘有不遵。該督撫提鎮即
行指名題叅。欽此○十二年議準。盔甲旗纛軍裝等
項。除考驗日期。及本管大員經過察點。準其穿
戴披執外。至一應

欽差及往來大員經過之時。該營汛弁兵有違例穿
戴披執迎送者。將該管官罰俸一年○又

諭。凡標營大小武職。均繫職典戎行。有官守之責。至於執事應差之人。悉皆入伍兵丁。非如文職之書吏皂役可比。均當愛惜其力。以備營伍之用。朕聞外省提鎮赴任時。第一次批令千把總帶兵役數十名。及儀從等物。越省遠近。第二次則令守備帶兵役百餘名。迎至交界。第三次則繫中軍官帶兵數十名。沿途迎候。至於副叅游守等官。其所轄弁兵等。有至交界處迎接者。有至舊任駐劄處迎接者。新官赴任。常無定期。以致弁兵在外淹留。曠廢職守。且途次資斧。非動公費。即出已資。公費乃軍裝器械之需。已資乃仰事

俯育之項。以迎送之虛文。耗公私之實用。此等陋習。不知起於何時。遂至今相沿未改。此提鎮等不能體朕愛養弁兵之心之一端也。著該部傳旨嚴行禁止。並將如何迎接之處。斟酌定議。俾大小武職遵守通行。倘有違越不遵者。並嚴定處分。以示懲儆。欽此。遵旨議準。提鎮赴任。所屬官弁。於是日迎接。除隨役外。司事兵丁。不得過十名。出城不得過五里。副將叅游等官赴任。本標官弁。於是日迎接。除隨役外。司事兵丁。不得過五名。出城不得過三里。至從境內經過者。止許在本管營汛經過處迎送。如

大小官弁。違越不遵者。皆照例議處。○乾隆元年諭。督撫有節制重寄。而提鎮乃彈壓大員。凡到任離任。及因公出境入境。例應具題者。所以慎職守重封疆也。川陝江西等省。提督與總督隔省。駐劄遙遠。無赴省相見之例。惟雲南廣東福建浙江等省。因赴任之初。由省而見總督者。有因巡察地方。離省不遠。順便謁見者。蓋因苗疆重地。或濱海要區。當日軍務倥偬。海氛未靖之初。是以不行題達。竟赴省城。與總督面商機務。此乃一時權宜。遂爾相沿成習。此時若不酌定。恐大小官弁。視為固然。徒

長奔競之風。而不顧職守之曠。誤與否。是不可不防其漸也。嗣後提鎮之與總督。若繫尋常事。祇許文移往來。如有緊要公務。必須親見總督面言者。或總督有應行檄調面議者。均將因公起程及回署日期。繕疏題明。至所帶兵役。不得過三十名。免致兵丁擾累。汛守空虛。永著為例。欽此。○五年奉旨。武職專司營伍。騎射是其本分。向因偷安坐轎。並不乘馬。曾蒙

皇考頒發諭旨。嚴行禁止。煌煌聖訓。自應永遠欽遵。乃近聞江南武職。復蹈從前陋習。

多不乘馬。自副叅以下至都司守備皆公然乘坐四轎。甚至有前呼後擁。喧耀街衢者。江南如此。他省諒亦不免。夫人情習於勞則精神振作。習於逸則志氣萎靡。况身為武職。而憚於乘騎。開驕惰之端。啟廢弛之漸。又何以飭我行而率士卒乎。各省督撫提鎮。務將朕旨通行申飭。如仍不遵奉。即指名題叅。交部議處。欽此。○六年奏準。副叅游都守等官。習安養惰。並不乘馬。擅自違制乘轎者。革職。○又奏準。官員帽頂補服坐褥。各照本身見任品級。不許計算加級。違者罰俸六月。

該上司失察者。罰俸三月。其補服頂帶不相符者。亦照此例議處。○又奏準。屬官多帶兵丁。越境迎送上司。有因事營求。或乘便賄賂者。革職提問。如止出境迎送。並無營求賄賂者。罰俸九月。至上司必欲屬官越境迎送。屬官畏其威勢。迎送者。如有勒索情弊。或被屬官詳揭。或經督撫叅劾。將上司革職提問。如止令迎送。無勒索情弊者。罰俸一年。其迎送之屬官免議。○七年奏準。在外提鎮以下副將以上。見任來京者。若並無疾病事故。凡直

祭祀耕藉之期。先期在附近地方齋宿。仍聲明齋宿處。以憑稽察。屆期投遞職名。各按品級排班行禮。若有事故不能齋戒者。聲明填注。至遇

皇上御殿受賀諸大禮。亦一例排班行禮。提督列於在京都統之次。總兵列於在京副都統之次。副將列於在京叅領之次。有事故不能行禮者。亦聲明填注。○十三年奏準。

車駕巡幸。有民人申訴。如去

御路稍遠。不在官兵管轄之內者。專汛官罰俸三月。

兼轄官罰俸一月。○十六年覆準。盔甲旗纛軍裝等項。若遇天時陰雨。雖繫點察操演日期。悉令免其穿戴披執。以防損壞。

一錢糧原定武職各官。將經手錢糧乾沒侵欺者。革職提問。照例勒追。如繫兵丁字識侵欺者。照例治罪勒追。該管官革職。○又定武職各官。將正雜錢糧擅自那移別用者。革職。若因緊急軍需。未經報明督撫。私自那移應用者。降一級留任。俟銷算清完之日開復。至存留公用錢糧。因公那用者免議。那移米豆草者。亦照此例分別議

處○康熙九年題準武職各官解送錢糧沿途
停閣日期者罰俸一年○四十二年題準運到
軍營米糧豆草經收武職各官延挨不收及不
收本色勒索折價者統兵將領察出題叅將經
收官草職提問此等延挨勒索情弊經監放錢
糧官據實申報統兵將領徇隱不題叅者亦草
職提問若繫失察將統兵將領等降四級調用
經收武職之該管官草職至統兵將領等及武
職大小各官販賣米糧豆草屬託地方官多取
價直或將民間所賣米糧豆草作為己物屬託

地方官令其收買者皆草職提問如將此等情
弊舉首者繫官以應升之官先用繫常人授為
七品官○又議準武職各官有承追之銀千兩
以下者於文到日限一年追完不完罰俸一年
再限一年不完降一級留任再限一年追完開
復不完照所降之級調用若承追千兩至五千
兩者以五年為期每案每年追完二分不及二
分者初叅降俸二級二叅罰俸一年三叅降一
級四叅再降一級均留任五年限滿追完開復
不完照所降之級調用承追五千兩以上者以

十分爲率。勒限五年。初叅降俸二級。二叅罰俸一年。三叅降一級。四叅再降一級。均留任。五年限滿。能完至七分者。準其開復。未完之銀。再行按年起限。不及七分。照所降之級調用。至接任官。以任事之日起。扣限承追。如本人實屬無力完帑。承追官出結呈報。由督撫題請豁免。不得株連親族。倘濫行著落親族代賠。將承追官革職。若豁免後。本人見有產業。悉行入官。出結官草職。該管上司。照文職例。分別議處。所欠之銀。著落出結官賠補。該管上司。有逼勒出結之事。

不行出首者。將出結官并逼勒之上司。皆革職。

○又議準。武職各官。有承追之銀。於一年限內追完三百兩以上之案者。每案紀錄一次。千兩以上之案。五年限內追完者。紀銀一次。接任官以任事之日起。限於一年限內追完千兩以上之案者。加一級。五千兩以上之案者。加二級。萬兩以上之案者。加三級。此等加級。遇別案承追。應降調者。準其抵銷。若一年限內追完萬五千兩以上之案者。以應升之官即用。○乾隆六年。奏準。軍營販賣米糧豆草。多取價直。及將民間。

所賣米糧豆草屬託地方官令其收買舉首之
常人即授為七品官未免太優應改為給與八
品頂帶

一漕運原定江南江西浙江湖廣糧多路遠運
官限內抵通全完者一運加銜一等二運加銜
二等三運議叙即升不復加銜至三運後仍按
運數加銜山東河南糧少路近運官限內抵通
全完者一運紀錄二次二運加銜一等三運紀
錄二次四運加銜一等五運紀錄二次六運議
叙即升不復加銜至六運後仍按運數相間紀

錄加銜其重運効力武舉繫領運江南江西浙
江湖廣遠省者每運全完於補官日紀錄二次
領運山東河南近省者每運全完於補官日紀
錄一次三運既滿咨部注冊推用○又定運官
已經升任遇前任內應議叙即升者於新任內
加銜一等○又定各省漕糧江北各幫限十二
月內過淮江寧蘇州常州鎮江及廬州幫限正
月內過淮江西浙江湖北湖南限二月內過淮
山東河南限正月內全數開行其過淮各幫如
違限十日者運官網打二十仍令督運違限一

月者。細打四十。草職戴罪督運。如見在議處之時。戶部咨到糧已全完者。準免議處。○又定。過淮違限草職戴罪督運之員。於完糧後。由總漕題請開復。○又定。各省漕糧。經徵衛所官。未完一分以上者。罰俸六月。未完二分以上。住俸未完三分以上。降二級。未完四分以上。降三級。未完五六分以上。草職均戴罪徵收。完日開復。其參後仍違限未完者。加倍議處。應罰俸者住俸。應住俸者降二級。應降二級者降四級。應降三級者草職均仍戴罪徵收。完日開復。應草職者。即實降二級。調用。白糧考成。亦照此例行。署印官。照屯糧署印。

官例議處。○又定。隨漕輕齎等項。經徵衛所官。初參未完不及一分。停升。罰俸一年。未完一分。降職一級。未完二分。降職二級。未完三分。降職三級。未完四分。降職四級。均戴罪徵收。未完五分以上者。草職。署印官。照正印官例議處。不及一月者。免議。以上經徵未完官。初參之後。再限一年全完。限內若仍不完。不復作分數。照原參分數議處。不及一分者。降一級。留任。再限一年全完。若仍不完。降一級。調用。未完一分者。降內完至八九釐。降三級。留任。再限一年全完。若仍

不完降三級調用。未完二分者限內若仍不完。降四級調用。未完三分者限內若仍不完。限五級調用。未完四分以上者限內若仍不完。草職。○又定各省漕糧。山東河南限三月初一日抵通。江北限四月初一日抵通。江南限五月初一日抵通。江西浙江湖北湖南限六月初一日抵通。均於三月內完糧。限內完糧者準其議叙。若山東河南江北完糧在三月之外。江南江西浙江湖北湖南完糧逾九月初十日者均以違限題叅。違限不及一月者罰俸三月。一月以上者

罰俸六月。二月以上者罰俸一年。三月以上者降一級留任。內有因過淮違限已經議處者將抵通完糧各日期扣除免其議處。過淮違限十日糧違限十日扣除凡領運白糧官照此例行。○

日期多寡均照此算。

又定漕船抵通運官以通幫之糧計算。如有掛欠不及一分者責二十草職。發南限一年追完。免罪復職。不完草職掛欠一分者責三十。掛欠二分者責四十。掛欠三分者責六十。皆草職。各按掛欠分數發南限一年追完。免議。不完交刑部治罪。掛欠四分者責八十。掛欠五分者責一

百。皆草職。各按掛欠分數。發南限一年追完。仍聽刑部議結。掛欠六分以上者。即交刑部治罪。旗丁管駕一船。即以一船之糧計算。如有掛欠。各按其分數。發南限一年追完。不完交刑部治罪。○又定。運官掛欠漕糧。發南追比者。戶部倉場咨到之日。即行開闕。限內全完。題請開復。赴部候補。○又定。僉運旗丁。除文生員專攻舉業。準其優免外。其捐納貢監及武生。一體僉運。如武生遇歲考之年。呈報學政。於回日補考。○又定。運官領運漕糧。尅削旗丁。或將應給錢糧。侵

扣不發。或將月糧修船等銀。自行領出收貯。勒捐不發。或因需索不遂。酷責旗丁者。皆草職究擬。○又定。奉

旨差遣及赴任各官。均有定限。漕船應讓路放行。其買賣并一應行船。應令照常行走。如漕船立纛。監旗鼓吹張號。強橫武斷。運官不行察禁者。罰俸一年。○又定。漕船到汛。不速催趲。無故容令先後越幫者。專汛官罰俸九月。兼轄官罰俸六月。其漕船入境日期。不察明轉報者。專汛官罰俸六月。若前汛催趲不力。致礙次船。後汛之員

申報倉場將前汛之員察叅議處。至不親赴水次催趲，並坐視前船阻塞不行申報者，亦照催趲不力例議處。○又定：漕船出運，以十年為滿號。該管守備先期請領料價成造，倘有遲延致誤冬兌冬開者，草職如捏報成造，或釘稀板薄，不合式者，降二級調用。仍將料價著落賠補。至奉委成造，託故推諉，並日久不告竣者，均降一級調用。○又定：漕船在大江、黃河、洪澤湖遭風漂沒，勘實題明，準與豁免。運官免議。其在內河失風及水凌擦漏沉溺，運官失於防範者，罰俸

一年。若遇汛水漲發，猝不及防，失事之船果能岸救修艚，抵通全完，並無虧折者，運官免其議處。仍照完糧例議叙。沿途催趲之汛官亦免議處。倘船非滿號，米有掛欠，雖買補全完，仍照例議處。沿途催趲之汛官不能協同護救，以致漂沒者，照失於防範例罰俸一年。○又定：漕船遭風漂沒，沿途催趲之汛官不即申報者，罰俸一年。不親臨確勘，遽出保結者，草職。○康熙三年題準：運官領兌漕糧，抗不赴次，及赴次恣意勒索，淋尖倚勢扛打，或不約束旗丁，致令爭索斛

面酒席。譟辱糧官。或沿途生事騷擾。阻壓行船。不許前進。恃強毆官。鬪斃民命。運官縱容坐視。及隨幫領押回空。任意停泊。兵役前往催趲。抗不遵依。反縱旗丁毆打者。皆草職究擬。沿途專汛官不察拏者。降二級調用。若已抵津。通責成天津總兵官。通州副將稽察防範。如不行察拏。副將降二級調用。總兵官降一級留任。如沿途專汛官。及副將能察拏申報者。概免議處。已經申報而該管之各鎮不察參者。降一級調用。○又題準。運官緣事應草職審擬。未經起程者。該

督撫即行審擬。別僉領運已經起程者。除命盜等項重情。即草職審擬。至尋常一切呈誤。俟交糧完日。押令回省審結。○又題準。漕船所過地方。有汛兵需索銀錢者。該管官照失察衙役犯贓例議處。汛官需索者。將該管上司照不揭報劣員例議處。需索之人。均計贓以枉法論。如止收受土儀禮物。繫官罰俸九月。兵丁笞四十。若汛官汛兵需索。或旗丁行賄。運官不申報者。照應申不申例議處。知情故縱者。照以財行求律。與旗丁一并治罪。○又題準。官員已僉領運。若

抗違規避誤漕者草職○又題準運官擅準呈詞拘繫新僉領運之人以致誤漕者照誤漕例議處○又題準運官攬載客貨及私載已貨者草職若旗丁於應載土宜之外攬載客貨私載已貨運官失於覺察者降一級調用○又題準衛官捏告運官侵糧希圖奪運以致誤漕者草職○又議準運官並非因公羈絆以私事逗留不親押運至糧船抵通起卸之後始行趕至者皆草職其因公羈絆於糧船抵通起卸後始行趕到者罰俸六月至領運北上運竣南旋托故

回籍者草職○二十一年題準抵通漕糧有糠粃砂土者領運官草職如無糠粃砂土收糧官抑勒不收者降二級調用○二十六年題準運官巡察不勤以致失火燒燬漕船者降一級調用該管專汛官不實力撲救以致延燒別船者罰俸一年○二十七年題準運官需索旗丁不遂不顧風浪逼渡江湖以致漂沒糧米淹斃人口追埋葬銀給死者之家漂沒糧米著落賠補○二十八年題準運官縱容旗丁捉船撥淺漫無約束者照例議處○二十九年題準運官領

運漕糧停泊演戲逍遙任催不理或凌辱牒官
強開牒板洩水以致誤漕者革職究擬至不按
程前進沿途脫幫遲誤者降二級戴罪督運若
催趲不力捏報水淺搪塞者罰俸六月○又題
準衛所官解送撥船遲誤或以朽壞之船應數
者罰俸一年○又題準運官領運白糧私行與
人者革職提問○四十六年題準各省旗丁限
內過淮抵通全完者總漕賞給花紅如抵通交
糧於額數之外有管運三年陸續多交百石者倉
場咨部注冊管運六年於額數之外陸續多交

二百石以及管運二十年雖無多交糧石而並
無挂欠事故者均由倉場覈實咨部給以九品
頂帶榮身○又議準給有頂帶之旗丁及管運
之捐納貢監生武生有干犯漕規者與旗丁一
例懲治○又議準運官除犯贓失守軍政糾參
及隱匿逃人之罪者不準以完糧議叙抵銷其
因公呈誤應降級調用者準以見在議叙之加
銜一等抵銷降一級已加之銜不準抵銷議叙
紀錄者亦準抵銷若罪至革職者不準抵銷
○五十年議準漕糧未經兌完捏報兌完漕船

未經開行控報開行者皆降二級調用○五十一年題準衛所官收兌漕糧多攙糠粃砂土及將漕糧私自改折者皆革職○又議準旗丁須僉家道殷實之人由該管千總察實出具保結呈報守備等官覆驗加結如有挂欠將濫行出結之千總守備皆降一級調用○又題準運官抵通無欠倉場給發限單令其即回協同隨幫管押漕船到淮呈驗限單如到淮違限者照規避例革職○雍正二年覆準衛所漕船開行過十二月者罰俸半年過正月者罰俸一年過二

月者降二級留任其湖南漕糧限十一月運至岳倉如州縣漕糧旗丁漕船均到水次運官收兌遲延致過十二月者照過二月開行例議處如能依限過淮題請開復○三年議準漕船夾帶私鹽者運官降三級調用隨幫褫革如倚恃漕船任意販載不服盤察者運官革職隨幫責四十褫革若於該管幫船一年之內並無私鹽者紀錄一次隨幫於補官日紀錄一次至回空三次並無私鹽者該管官將隨幫出具印結咨部以千總推用○四年議準漕船私帶礮者失

察之該管官降一級調用。失察私帶烏槍者。罰俸一年。○又題準。領運漕船。若遇風色不順。水勢浩大。該專汎官與運官公同計議。暫停守候。即將守候日時申報上司及總漕。於入境出境冊內注明。倘不顧風色水勢。催趲前進。在內河致有疎虞者。運官與專汎官皆罰俸一年。如捏稱風水未便停泊。逗留者。運官與專汎官皆降二級調用。○又議準。漕糧潮濕霉變。致有虧折者。運官革職。限一年賠補完日送部引

見請

旨開復。不完究追。其居官優者。督撫保題留任。亦限一年賠補完日開復。不完革任究追。○又議準。出運旗丁犯罪。責令該幫運官拏解。有司究治。如疎縱脫逃。及遲延不解者。按旗丁所犯輕重。照例分別議處。○又議準。旗丁攙和。水米運官不能察出者。革職。如隱匿不報。革職。枷示。俟旗丁將糧米賠完日釋放。○十年議準。漕船夾帶硝黃者。運官照夾帶私鹽例議處。○十三年議準。漕船出運。遇有風火事故。應賠造而擅行雇募者。降一級調用。應賠造而擅行買補及應買

補而擅行雇募者皆罰俸九月○又議準旗丁盜賣漕糧領運官不能察出降一級調用其沿途稽察之專汛千把總失察盜賣米數不及五十石者一起罰俸六月二起罰俸一年三起降一級留任四五起以上者降一級調用其有失察一二起合算米數至五十石以上者降一級留任一起以至三起合算米數至百石以上者降一級調用兼轄游守失察盜賣米數不及五十石者一起罰俸三月二起罰俸六月三起罰俸一年四五起以上者降一級留任其有失察

一二起合算米數至五十石以上者罰俸一年一起以至三起合算米數至百石以上者降一級留任專汛兵丁失察盜賣者每起杖八十○乾隆五年議準運官領運薊糧抵薊全完照山東河南近省例議叙○又議準運官中途遇有降革病故等事該上司委令隨幫代押限內抵通完糧者如在天津以南咨部歸於代押重運班內推用如在北河委令代押者補官日記錄一次○又議準運官在途患病不能押運詳報所在地方印官會同前後幫運官驗實出具並

無假捏印結請委隨幫代押俟抵通完糧後將
隨幫分別議叙○又議準湖廣漕船過淮以後
失事賠造不及者將該船暫減一年限一年修
造免以督造不力議處其未經過淮以前失事
者仍按限賠造○七年議準領運薊糧有挽和
薊州白土者照挽和水米議處○又議準江南
江西浙江湖廣遠省運官遇截留漕糧如數通
完離水次五百里以外者紀錄一次千里以外
者紀錄二次二千里以外者照抵通全完例加
銜一等山東河南及不過淮之各幫遇截留漕

糧如數通完離水次五百里以外者紀錄一次
千里以外者照近省抵通例議叙至委領重運
効力武舉及中途代押之隨幫武舉管押江南
江西浙江湖廣遠省截留漕糧如數通完離水
次五百里以外者補官日紀錄一次千里以外
者補官日紀錄二次山東河南及不過淮之各
幫截留漕糧如數通完離水次五百里以外者
重運武舉準作一運隨幫武舉準作押空一次
千里以外者補官日紀錄一次○又議準漕船
隱匿逃人將不行察拏之運官降二級調用隨

幫武舉於補官日降二級調用。若回空漕船隱匿逃人。該運官尚在交糧未經上船者免議。○八年奏準。旗丁不親管運。將僉運之衛守備罰俸一年。運官不能察出。降一級留任。○又議準。戴罪督運之員。如於總漕題叅未經議結以前。能以完糧報部者。準免議處。其已經題結者。照過淮違限例。總漕於完糧後題請開復。○九年議準。松江江西湖南漕船過淮。準於正限外展限十日。○十四年議準。漕船丁舵水手應需食鹽。每船不得過四十斤。有逾數夾帶者。運官照

例議處。專汛官罰俸六月。○又題準。漕船回次責成。隨幫武舉約束防範。遇有風火等事。將職名察叅。如有新運千總接管。即將新運千總察叅其減存在次漕船。千總隨幫不能兼顧者。責成該管地方官約束防範。○十五年題準。溫州衛屯租徵收濟運有限內不完者。照雜項錢糧例議處。○十七年

諭。前因江西鉛山等幫沿途使用陋規一案。已降旨交該督撫河漕提鎮逐一叅劾治罪。今漕運總督來京。朕命將南漕舊規分別應裁應給各款數目。

與軍機大臣等會議。將各省漕船陋例。分別裁革。立定章程。通行曉諭。遵守。夫因事魏遺。借端勒索。均干禁令。况漕糧事關天庾。豈容不肖弁役。恣行婪賄。但據該總漕酌定規例章程之內。即有必不可盡革之處。則從前弁役。雖借此侵漁。而按其情罪。究繫相沿陋規。與營私納賄者有間。所有從前令各該督撫。河漕提鎮。叅劾治罪之處。著加恩寬免。朕辦理諸務。輕重自有權衡。裁制全無成見。既經察出弊竇。自應禁革。而經營承辦。必不可已之費。亦當酌定條款。俾知法守。嗣後各該管上司官

不時嚴行稽察。如有不肖弁役。或將已裁陋規。私自婪收。或於定數之外。多行勒索。即據實嚴叅。將與者受者。一并治罪。該管官不行揭報。及上司徇隱。不即叅劾。別經發覺。定將失察之督撫提鎮等。從重治罪。欽此。○又奏準。南漕舊規。既經酌給有條。裁革有禁。運官旗丁。倘或有婪收勒索諸弊。均干嚴譴。惟是向來頭幫旗丁。為諸弊叢生之根。則責成頭幫旗丁。是亦剔弊清源之法。嗣後頭幫旗丁。復行科歛。將已裁陋規。私自婪收。或於定數之外。多行勒索者。令各幫旗丁。於該管

衙門呈控。審究確實。計贓分別首從定擬。若運官及營汛官受賄。令該管上司即行叅革治罪。若兵丁受賄。運官及營汛官或繫故縱。或繫失察。亦分別題叅。交部議處。至旗丁挾嫌捏控者。照誣告律分別加等治罪。○又奏準。旗丁盜賣漕糧。將運官捆責四十。數至五十石以上者。降一級。百石降二級。均調用。二百石者革職。○十八年議準。武職加銜。既經刪除。嗣後運官領運遠省者。一運全完。加一級。二運全完。加二級。三運即升。近省一運全完。紀錄二次。二運全完。加

一級。三運五運與初運同。四運與二運同。六運即升。所加之級。準其隨帶。

一屯田。原定衛所官將應行起解錢糧於奏銷以前。如數全完。千兩以下者。紀錄一次。千兩以上。三千兩以下者。紀錄二次。三千兩以上者。紀錄三次。徵糧一石者。作銀一兩。計算考成。其署事官於奏銷前全完者。照此議叙。若止完地丁錢糧。而本色顏料並一應雜項未完者。不準議叙。○又定。衛所官將經手錢糧朦溷銷算者。降二級調用。應行完結錢糧。故留疑竇。並不分晰。

溷行造冊呈報以致款項不符者降一級調用
冊內數目舛錯遺漏者罰俸一年若將冊結遲
延不送經督撫題參或限內並違限不及一月
者罰俸三月違限一月者罰俸六月二月者罰
俸九月三月者罰俸一年四五月者降一級留
任六月以上者降二級調用一年以上者革職
至造尋常一應冊籍不關繫錢糧者若有舛錯
遺漏罰俸三月如有遲延仍按月議處○又定
衛所官勸民開墾荒地五十項以上者紀錄一
次百項以上者加一級百五十項以上者加一

級紀錄一次二百項以上者加二級統俟水田
六年旱田十年起科時該督撫取具印結題請
議叙○又定衛所官捏報開墾者革職開墾後
復荒者將開墾議叙之加級紀錄銷去其開墾
荒地不照水田六年旱田十年起科之例或先
期科徵或過期不徵或擅減地畝定額錢糧者
革職或不照起科定限預詳請徵或將開墾地
畝以多報少以少報多或將已報開墾之地重
報開墾或將荒熟地畝不明白分晰或將應徵
錢糧不行察出者皆降一級調用至丈量地畝

互相推委。遲延日期。或將丈量地畝詳報不清。及不送文冊。檄催並不申詳者。皆罰俸一年。○又定。衛所開墾地畝錢糧徵收全完。取具印結。隨同奏銷題報。若有遲誤。照違限例議處。○又定。衛所被災田畝。該管官隨時詳報。夏災不逾六月。秋災不逾九月。如報災遲延半月以內者。罰俸六月。一月以內。罰俸一年。一月以外。降一級調用。二月以外。降二級調用。三月以外者。革職。其被災分數。於題報情形之後。衛所官限四十日內察明造冊詳報。如不依限詳報。亦照報

災逾限例議處。至妄報被災。及有災不報者。均罰俸一年。報災之時。不送印結。及冊內不分明。詳明。或止報。巡撫不報。總督者。皆罰俸六月。○又定。衛所田畝被災。奉蠲錢糧。衛所官或濶徵侵蝕。或不即通行曉諭。希冀暗吞。或捏稱有蠲。有不蠲。私圖自得一半。或將振濟災戶銀米。及所免錢糧。借名肥己者。皆革職提問。若將奉蠲錢糧。增減造入冊內者。降二級調用。或被災尚未題請蠲免。於報冊內填入蠲免者。罰俸一年。○又定。衛所官經徵河銀。一年全完三百兩以

上者紀錄一次○順治十八年題準經徵屯糧
初叅未完不及一分者停升未完一分罰俸六
月未完二分罰俸一年未完三分降俸一級未
完四分降俸二級未完五分降職一級未完六
分降職二級未完七分降職三級未完八分降
職四級皆戴罪徵收完日開復未完九分十分
者皆革職署印官未完一分二分者罰俸三月
未完三分四分罰俸六月未完五分六分罰俸
九月未完七分八分罰俸一年未完九分十分
降一級調用署印不及一月者免議以上經徵未

完官初叅之後再限一年全完限內若仍不完
不復作分數照原叅分數議處八分七分限內
若仍不完革職六分五分限內若仍不完降五
級調用四分三分限內若仍不完降四級調用
二分以上限內若仍不完降三級調用一分以
上。限內完至八九釐者降三級留任再限一年
全完不完降三級調用限滿未完不及一分者
停升罰俸一年○又題準衛所官經徵鹽課未
完不及一分者停升未完一分以上降俸一級
未完二分三分降職一級未完四分五分降職

三級未完六分七分降職四級皆戴罪徵收完
日開復未完八分以上者革職署印官未完一
分二分者罰俸三月三分四分罰俸六月五分
六分罰俸九月七分八分罰俸一年九分十分
降一級調用署印不及一月者免議以上經徵
未完官初叅之後再限一年全完限內若仍不
完不復作分數照原叅分數議處不及一分者
限內若仍不完降一級留任再限一年全完不
完降一級調用一分二分限內若仍不完降三
級調用三分四分限內若仍不完降四級調用

五分六分限內若仍不完降五級調用七分以
上者限內若仍不完革職○又題準衛所官承
銷鹽引未完一分者停升未完二分降俸一級
未完三分降俸二級未完四分降職一級未完
五分降職二級未完六分降職三級未完七分
降職四級均戴罪督銷未完八分以上者革職
其戴罪督銷官限一年銷完如限內不完照屯
糧限滿未完例議處至行鹽地方衛所官如有
私勒戶口買鹽銷引者革職不行察報之上司
各降三級調用署印官銷引未完一分二分者

罰俸三月未完三分四分罰俸六月未完五分
六分罰俸九月未完七分八分罰俸一年未完
九分十分降一級調用署印不及一月者免議

○又題準衛所行鹽地方如將鹽引不行題明
私自那撥者該管官降一級調用其前官已銷
鹽引不行送部及將鹽引題報遲延或題報鹽
引前後不符者該管官罰俸一年○康熙十四
年議準衛所官有限滿未完錢糧初參四分繫

赦前二分

赦後二分者若限內將

赦前未完二分已經全完止照

赦後未完二分議處如限內

赦前二分未完仍合

赦前

赦後一并議處至初參四分均在

赦前限內未經全完仍照原參分數以初參例議處

如限滿未完錢糧限內又經過

赦者扣除

赦前月日以

赦後計算年限滿日察明題參照例議處○又議準

衛所官。經徵各項錢糧。於未完之先。別經降調。離任者。罰俸一年。○又議準。衛所官。有未完雜項錢糧。不作分數者。由部覈明題參。降俸二級。戴罪督催。完日開復。限內不完。罰俸一年。仍令督催。署印官。有未完不作分數雜項錢糧者。罰俸一年。○又議準。衛所官。以未完錢糧。捏作全完申報。或限內經一二官徵完。捏作一官徵完者。皆革職。如衛所官申報未完。該管上司以全完轉報者。將上司議處。衛所官免議。至錢糧未經起解。申報起解。或庫內無銀申報。有銀者。皆

降二級。調用一應批迴。未獲。稱爲已獲。未發。稱爲已發者。皆罰俸一年。○十五年議準。衛所及武職各官。有隱匿熟地及新墾地。一畝至九畝。降四級。調用十畝以上。革職一頃以上。革職杖一百折贖。永不叙用。武進士。武舉。武生。隱匿一畝至九畝。黜革。十畝以上。黜革。杖一百折贖。一頃以上。黜革。杖一百折贖。永不叙用。隱匿地畝入官。錢糧按年追徵。至各官失察。隱匿熟地及新墾地。至五十畝者。降一級。調用一頃。降二級。調用一頃五十畝。降三級。調用二頃。降四級。調

用二頃以上者革職如先因清釐隱匿及開墾荒蕪有加級紀錄者均準抵銷此內有升遷降調休致告病已經離任者經接任官察出均照見任官議處已經革職者如實繫欺隱仍行治罪繫失察者免議○二十七年奉

旨○出首開墾地畝不必拘定年限均自出首之年徵收錢糧該管官免其議處○三十四年議準凡有分數錢糧接徵衛所官以到任之日限一年全完如限內不完將已完分數扣除照見在未完分數以初叅例議處○又議準徐淮臨德等倉本色

米及改折銀限一年全完不完將衛所官照屯糧初叅例議處如再不完照屯糧限滿不完例議處○雍正五年議準衛所官有經理民事者其旗丁屯軍居住州縣地方有犯命盜等案該管州縣移會衛所嚴行緝拏限滿不獲將衛所官同州縣一并題叅議處如衛所官因州縣既有責成徇庇旗丁屯軍或故意推諉者許承審官揭報督撫題叅照徇庇例議處其不經理民事專管漕運者旗丁屯軍犯命盜等案疎防承緝止將州縣官叅處衛所官免其并叅○乾隆

二年議準衛所地方被災若距省寫遠詳報被災情形分數均扣算程途日期如詳報到省在限外而扣算程途日期尚未逾限者免其揭參扣算已至逾限者各按遲延月日議處○三年議準貴州苗疆屯軍人等將官給屯田私自典賣與人該衛千總不行察出者罰俸一年至越界侵占苗人土地山場並砍伐竹木該衛千總失於覺察者降一級留任徇情隱匿不報者降三級調用○又議準衛所官經徵蘆課未完或初參或限滿題參均照徐淮等倉例議處○

又議準衛所官凡有未完各項錢糧經戶工二部覈明續完蠲免具題到部者不俟題覆即準銷案如戶工二部疏內分數職名與本部原案不符咨詢戶工二部銷案如又有不符仍行題明察辦○又議準衛所經徵接徵各官有未完錢糧參後續完或

恩赦蠲免應行開復本官不呈請開復者罰俸一年○又議準衛所倉廩該管官於滲漏處不行粘補及應蓋造倉廩不詳請蓋造以致米穀霉爛者革職動帑代買勒限一年照數追賠限內不

完。照損壞倉庫財物律治罪。如侵盜入已。捏稱霉爛虧欠者。照侵蝕例治罪。

一限期原定武職各官。赴任違限一月以上者。罰俸三月。二月以上。罰俸六月。三月以上。降一級調用。四月以上。降二級調用。五月以上。降三級調用。半年以上。革職。不及一月者。免議。○康熙十一年題準。凡

欽部事件。督撫提鎮。皆以文到日為始。限四月具題。兼管二省之總督。所管隔省事件。限六月具題。福建之臺灣。廣東之瓊州。湖南。廣西。雲南。貴州。

之苗疆。陝西之安西。四川之寧遠府所屬州縣。各該督撫於正限之外。分別展限。該省提鎮亦照巡撫例展限。江南湖廣提督管兩省者。照總督例展限。至違限月日。皆專責督撫提鎮計月。議處。不分坐屬官。若違限不及一月者。免議。違限一月。罰俸三月。二月。罰俸六月。三月。罰俸九月。四五月者。罰俸一年。半年以上。降一級留任。一年以上。降二級留任。二年以上。降三級調用。倘事屬繁重。限內難結者。承察承辦官。將情由申詳該督撫提鎮。題明展限。如將易結之事遲

延不結。或將難結情由。不行申詳。督撫提鎮將屬官題參。或限內並違限不及一月者。將承察承辦官罰俸三月。若事已完結。將屬官以遲延題參。違限不及一月者。督撫提鎮免議。屬官亦免議。若違限一月。承察承辦官罰俸一年。督撫提鎮仍計月處分。○又題準。提鎮新任及接署者。皆以受事之日扣限。若科場監試。按日扣算。展限不必具疏題請。其因公務在本省內經行者。不準展限。○又議準。副參以下各官。推補得闕之後。無故不赴。兵科畫憑。違限一月以上者。罰

俸一年。兩月以上者。革職。如兩月以上無故不赴部領劄者。亦革職。○又議準。武職裁汰復職。降調初授等官。自原任處所及原籍地方起文赴部投遞。在京者限十五日。直隸限兩月。山東山西。河南。限三月。江南。江西。浙江。湖廣。陝西。限四月。福建。四川。廣東。廣西。貴州。限五月。雲南。限六月。如有違限者。照赴任違限例議處。○又議準。營衛升任各官。於劄付限票到日。該督撫提鎮委官署理。限兩月。交代明白。離任。如升任官有經管未完錢糧盜案事件。署任官或新任官

不於兩月內覈明呈報上司或升任官遲延不交及署任新任官推諉不接者各罰俸一年上司督催不力罰俸六月若已申報上司該管上司不即轉報或於升任官劄票已到不即委官署理者各罰俸六月該管上司已經轉報督撫提鎮具題遲延者亦罰俸六月無未完錢糧盜案上司借端勒索稽留者將該上司降二級調用督撫提鎮降一級留任署任新任官如有勒索稽留亦照此例議處其升任官不候劄票即行離任或不與署任新任官交代明白即赴新

任者將升任官降二級調用至錢糧盜案未經清楚署任新任官即聽升任官徑赴新任者將署任新任官降一級調用督撫提鎮罰俸一年升任官有錢糧冊籍未清捏稱完結或假捏印結申詳上司或增改投遞者革職升任官將冊籍等項於未交代之前或被兵丁字識燒燬棄擲藏匿者降一級調用兵丁字識有乘機作弊侵匿銀錢者照失察衙役犯贓例議處其解任裁汰降調各官不候交代擅自離任及署任新任官并督撫提鎮聽其離任者亦照此例議處

○二十二年題準兵馬錢糧冊結所關緊要造報皆有定限必須詳慎覈對明白。若朦溷造報故留疑竇以致款項不符者降一級調用。轉報官罰俸一年。提鎮罰俸六月。繫提鎮覈叅者將造報轉報官議處。若冊內數目或有舛錯遺漏者。造報官罰俸一年。轉報官及提鎮各罰俸六月。如冊繫提鎮自造有舛錯遺漏者亦罰俸六月。至造報轉報官將冊結遲延不送經提鎮題叅或限內並違限不及一月者罰俸三月。違限一月者罰俸六月。二月者罰俸九月。三月者罰

俸一年。四五月者降一級留任。六月以上者降二級調用。一年以上者革職。若冊結已經申送而提鎮不即題咨違限五月以下者照造報官例議處。六月以上者降二級留任。一年以上者降三級調用。至造尋常一應冊籍不關繫錢糧者若有舛錯遺漏罰俸三月。轉報官罰俸一月。如有遲延仍按月分議處。○二十三年議準武職衙門前官有侵欺那移拖欠未清之項接任之署任新任官於交代限內徇隱不報至交代後始行察出者不議前官竟坐接任官名下

照例議處。如有侵那拖欠等弊。接任官不受交代。通詳督撫提鎮及該上司。而督撫提鎮及上司不揭報題。叅徇庇前官。逼勒接任官交代者。接任官即據實報部。將逼勒各官。以徇庇例議處。接任官調補別省。○三十二年覆準。福建之臺灣澎湖升任官。均令新舊交代。其直隸山東山西河南江西湖北湖南西安甘肅等省升任官。劄票到日。照部定期限。速赴新任。所有營務委官署理。不必新舊交代。江南福建浙江四川廣東廣西雲南貴州等省升任官。如有

人堪以委署。該督撫提鎮即行委署。不必留候交代。如無可委署之人。仍留候新舊交代。將留候交代違限緣由報部。如無故違限。照赴任違限例議處。○四十五年覆準。提鎮有奉

旨調取來京者。行文該督撫計程定限。給咨赴部投遞聽候引

見。仍將起程日期豫行報部引

見。後回任日期亦行報部。○雍正九年議準。督撫提鎮覈叅武職交代遲延案件。將遲延情由詳細確察。如舊任希圖掩飾。不於兩月內將任內錢

糧等項造冊交送。經督撫提鎮指叅將舊任官罰俸一年。接任官免議。舊任官遲至例限將屆始將冊籍造送。接任官又不上緊察覈以致遲延者。舊任官罰俸一年。接任官罰俸六月。舊任官已明白造冊交送。而接任官推諉不接以致遲延者。接任官罰俸一年。舊任官免議。其督催不力之上司。仍照例罰俸六月。○十二年議準。在京鑾儀衛漢鑾儀使及巡捕營各官領俸清冊。春季於上年十二月十五日前。秋季於六月十五日前。依限造送到部。移咨戶部關支。

其有降罰事故者。由部於奉

旨後注冊。并知會戶部備案。領俸之時。該衙門將各

官有無事故造冊送部。由外任升調者。若有隨

帶降罰之案。該員呈明該衙門。即於冊內注明。

均交稽俸廳將各官降罰。并見在照何品級食

俸之處。覈對確實。一并移送戶部。倘造冊遺漏

舛錯。照例議處。○十三年議準。武職各官赴任。

如有中途旅店舟次患病難行。及風水阻滯。違

限止一二月者。該員呈報該省督撫提鎮咨報

部科。免其叅處。若違限至三月以上。果有阻滯

實情取具該地方官印結申送部科免議如無
地方官印結及並無事故借端觀望遲延不赴
新任并繞道歸里捏稱中途患病者皆按違限
月日議處○乾隆元年奉

旨朕因各省提督總兵官未經識認者甚多是以降
旨令其酌量先後來京陛見向來提鎮到京皆赴
部投文聽候引見但此例不行已久督撫提鎮同
爲封疆大吏督撫既不赴部引見則提鎮到京亦
準其即赴宮門請安候朕宣召不必先行赴部至
起程赴京及回任日期仍循舊例報部以便稽察

○三年議準凡通行督撫提鎮按本地情形詳
細察議事件各該督撫於四月六月正限之外
若事易結者展限兩月難結者展限四月該督
撫分別題咨按限完結各省提鎮有總督統轄
者凡通行察議事件由總督彙覆該提鎮毋庸
別定期限其無總督統轄之提鎮遇通行察議
事件照該省巡撫易結難結之例分別題咨按
限完結如逾限不結均照

欽部事件遲延例分別議處○六年奏準在京革職
官曾經問有罪名者限一月起程回籍五城司

坊官將起程日期報部并知會原籍倘不即起程違限一月以上者本人照例治罪巡捕營專汎官不於限內催令起程容留一人者降一級留任二人者降一級調用三人者降二級調用四人者降三級調用五人者降四級調用六人以上者革職兼轄官容留一二人者罰俸一年三四五人者降一級留任五人以上者降二級調用十人以上者降四級調用步軍統領於所屬巡捕營地方容留一二人者罰俸三月三四人者罰俸六月五人以上者罰俸一年十人以上者

者降一級留任○又奏準外任革職官交代完日即行起程不得過五月之限該督撫提鎮等將起程日期報部並知會原籍倘不即起程違限一月以上者本人照例治罪專汎官不於限內催令起程容留一人者降一級留任二人者降一級調用三人者降二級調用四人者降三級調用五人者降四級調用六人以上者革職兼轄官容留一二人者罰俸一年三四人者降一級留任五人以上者降二級調用十人以上者降四級調用提鎮所屬地方容留一二人者

罰俸三月。三四人者。罰俸六月。五人以上者。罰俸一年。十人以上者。降一級留任。其有寃抑欲赴都察院具呈申理者。地方官給咨來京。事竣發回原籍。如借端留滯者。照例治罪。徇情容留之五城司坊官。交吏部議處。○又奏準。漢侍衛及鑾儀衛行走之漢世爵等官。請假回籍者。呈明該管官。酌定日期具奏請

旨。其往返程途。在京者限十五日。直隸限兩月。山東。山西。河南。限三月。江南。江西。浙江。湖廣。陝西。限四月。福建。四川。廣東。廣西。貴州。限五月。雲南。限

六月。除往返日期外。在家均許住四月。依期回京。如逾限一年以上者。罰俸一年。二年以上者。休致。○十一年奏準。各省督撫提鎮。奉到部文。務令按限完結。題覆咨覆之日。將準咨月日。及有無遲逾。隨案聲明。以便察覈。若遺漏不聲明者。照例議處。○十四年奏準。豫行保舉及調取引

見官回任。由部給與驗票。向未定有限期。此等官均有見任職守。如或逗遛日久。職任久懸。於營伍地方。不無遺誤。嗣後預保送部。以及奉

旨調取引

見仍回原任各官發給驗票照赴任限期填注令依
限回任將驗票申繳督撫提鎮察覈將有無違
限之處聲明報部如有違逾照赴任違限例議
處至簡發各省補用者亦照此例辦理○十五
年覆準

欽部事件承察承辦官逾限不及一月完結者比照
逾限不及一月罰俸三月之例酌減罰俸一月

○又覆準辦理邊疆海疆苗疆省分事務提鎮
與督撫相同所有限期應展不應展之處照各

督撫見定州縣按照營汛坐落之地分晰聲明
至加展限期地方不準再扣道里日期○又議
準各省提鎮有通行察議事件繫專行一營者
限四月完結繫通行各營易結者限六月完結
難結者加展兩月完結至通行察議之事有不
需各營議詳在本標將領可以覈定聲覆者限
兩月完結如逾限不結察照違限日期議處至
新任接署以及巡察營汛均照例扣展○又奏
準營汛各官遇有承緝承修承造等項事件均
於初叅限滿之日接扣二叅限期不得以接到

部覆之日始行起限○又奏準承緝各項人犯營汛各官原有協同地方文職察緝之例應照文職盜案限四月無名兇犯限六月叛逆人犯將原定三年之限減去一年限以二年如限滿不獲各照原例議處○又奏準候選候補武職各官赴部投文違限向照赴任違限例議但赴任者皆繫已經得官之人恐其逗遛規避貽誤地方是以定例綦嚴至候補候選原與已經得官者不同當領咨之後或因資斧艱難或因選期尚遠或因患病難行若概照赴任例議處殊

覺過重嗣後投文違限無故遲延違限在半年以上者得官日罰俸六月一年以上者得官日罰俸一年如果有患病及風水阻滯等情取具該地方官印結送部免其察議

一監獄康熙三年題準監犯踰城及由水門逃走者城守官罰俸三月已開城門逃走責在有獄官城守官免議○又議準營汛各官將應解犯人遲延不解者罰俸一年○十一年題準監犯將已閉城門之鎖扭壞逃走者城守官革職當時全獲者免議獲一半者降一級留任○雍

正三年議準押解斬絞重犯該管官僉差不慎未經如數撥兵加鎖致脫逃者降一級調用已
經如數撥兵加鎖脫逃者降一級限一年緝拏
全獲開復不獲照所降之級調用押解流徒等
犯未經如數撥兵加鎖致脫逃者罰俸一年已
經如數撥兵加鎖脫逃者罰俸六月○七年議
準府州縣監有重犯該管專汛官撥兵協同文
職巡防如監有大盜過十人以上者加兵巡防
其府州縣內有提鎮副叅等駐劄者輪委千把
總稽察倘監犯越獄文職會同該千把各差兵

役追捕不獲照盜案專汛官例議處○又議準
軍犯到配所免其墩鎖該管衛所官曲爲防範
不使致於饑寒如在配所本犯單身脫逃初叅
將該管官罰俸六月兼轄官罰俸三月限一年
緝拏限滿不獲該管官罰俸一年兼轄官罰俸
六月攜帶妻子脫逃者初叅將該管官罰俸一
年兼轄官罰俸六月限一年緝拏限滿不獲該
管官降一級留任緝獲之日準其開復兼轄官
罰俸一年若在中途脫逃者僉差不慎之營員
住俸勒限一年督緝限滿不獲罰俸一年軍犯

照案緝拏○又議準斬絞重犯越獄鄰境管汛官於一月內拏獲者每名加一級再紀錄一次一月外拏獲者每名加一級鄰境兵丁拏獲越獄之犯繫斬絞者每名賞銀二十兩軍流以下每名賞銀十兩於原疎防官名下追給○八年議準押解人犯經由之處該營汛官撥兵護送時照牌票點明犯人及撥兵數目相符再行起解如兵數闕少或有代解等弊即詳報上司覈叅將僉差之官按罪犯輕重照僉差不慎例分別議處如隱匿不報別經發覺亦照僉差不慎

例分別議處○十三年議準武職拏獲鄰境逃犯如繫軍流之罪單身逃脫者每一名紀錄一次攜帶妻子脫逃全獲者每一起紀錄一次徒罪二名紀錄一次準其前後接算一救火康熙九年議準京城巡捕營地方有姦細兇徒放火不能察拏之專汛官降四級調用兼轄官降二級調用○又議準武職各官所管地方失火延燒文卷倉廩者專汛官罰俸一年如將錢糧文卷擅藏私家以致焚燬者將該員降一級調用○二十六年議準京城巡捕營地

方失火延燒民房十間以下。即能撲滅者。免議。如不能撲滅。延燒十一間至三十間者。千把總守備罰俸九月。游擊叅將罰俸六月。三十間以上者。千把總守備罰俸一年。游擊叅將罰俸九月。二百間以上者。千把總守備降一級調用。游擊叅將降一級留任。四百間以上者。千把總守備降二級調用。游擊叅將降一級調用。六百間以上者。千把總守備降三級調用。游擊叅將降二級調用。○乾隆十年覆準。直省地方失火延燒民房。如繫城內。將在城駐劄之專汛及兼轄官。照

巡捕營例。按間數分別議處。至城外邨莊失火。延燒民房。有該管官在於該處駐劄者。亦照巡捕營例。按間數分別議處。若駐劄與失火地方相隔。撲救不及。延燒民房十間以上。即能撲滅者。免議。十一間至百間者。專汛官罰俸九月。兼轄官罰俸六月。百間以上者。專汛官罰俸一年。兼轄官罰俸九月。五百間以上者。專汛官降一級調用。兼轄官降一級留任。一捕蝗。乾隆六年奏準。衛所地方。蝗蝻生發。該管官不即申報上司者。革職。不親身實力撲滅。

藉口鄰境飛來。希圖卸罪者。革職提問。至衛所及營員奉上司差委協捕。並不實力撲滅。以致養成羽翼。為害禾稼者。革職。○又奏準。蝗蝻生發之處。能統率兵夫。立時撲滅淨盡者。將該員紀錄一次。○十八年

諭蝗蝻為害甚大。朕屢勅督撫大員。躬親督率搜捕。是以提鎮亦有協同往撲者。然若攜帶多人。需索供應。則農民轉受滋擾。捕蝗之害。更甚於蝗。此尤其大不可者。著通行傳諭知之。欽此。

一河工原定武職修築。黃河隄岸保固一年。運河隄岸保固三年。如黃河隄岸於半年內衝決。運河隄岸於一年內衝決者。將承修官革職。黃河隄岸過半年衝決。運河隄岸過一年衝決者。將承修官降三級調用。如過年限衝決者。將該汛管河官革職。戴罪修築。工完開復。其有將督修之兼轄官並叅者。照文職河道例議處。○又定隄岸衝決。限十日內具報。如過十日具報者。降一級調用。沿河隄岸不豫先修築。以致漕船阻滯者。降一級調用。○又定隄岸衝決。以少報多者。降三級調用。轉報官降二級調用。若於年

限內將所修隄岸衝決隱匿不報指他處呈報衝決者革職轉報官降五級調用○又定武官修築隄岸工程均限半年完工如限內不完承修官罰俸一年督修官罰俸六月再限三月完工如再不完承修官降一級調用督修官罰俸一年○又定武職修築隄岸有一處夯杵不堅盛水即漏并有一二丈不豐滿合式者降一級調用兩處夯杵不堅盛水即漏并有三四丈不豐滿合式者降二級調用三處夯杵不堅盛水即漏并有五丈以上不豐滿合式者革職督修

官察其所屬有一人議處者罰俸一年二人議處者降一級調用三人議處者降二級調用四人以上議處者革職如有議處議叙相同者準其抵算若督修官察出揭叅者免議○又定衛所官委辦河工私自潛回以致衛夫星散者革職戴罪督催工完日開復○又定隄岸衝決有例應革職戴罪賠修者限六月完工督修官降四級留任均俟工完開復如限內不完賠修官革職督修官降四級調用未完工程仍令賠修○雍正三年議準山東河南江南各河營每兵

每年栽柳百株。栽不足數者，專管千把總罰俸一年。守備罰俸六月。栽不及半者，專管千把總降一級。留任仍令補栽。守備罰俸一年。至各官捐栽柳秧成活五千株者，紀錄一次。萬株者紀錄二次。萬五千株者紀錄三次。二萬株者加一級。種葦一項者紀錄一次。二頃者紀錄二次。三頃者紀錄三次。四頃者加一級。○四年議準武職修築隄岸。工段丈尺椿埽料物等項有估計過多。存心浮冒者，將該員革職。承察官扶同徇隱者，照徇庇例議處。○十二年奏準運河隄岸

專汛官督率兵丁，照本汛應取土方數目堆積。備用不如數者，罰俸一年。不及一半者降一級。留任戴罪堆積完日開復。○乾隆三年議準河營官弁於沿河官地內捐栽小楊樹五百株者紀錄一次。千株者紀錄二次。千五百株者紀錄三次。二千株者加一級。如所栽不及議叙之數，準於次年補栽。合算議叙。其樹交該管之汛官照管培養。倘有枯損偷盜，在百株以內者責令賠補。至百株以上者降一級。留任賠補完日開復。若將民地指為官地，強占栽植，希圖議叙者

照強占官民山場河泊律治罪○九年議準河
工採買葦柴武職各官於每年定額之外多採
買五萬束者該督記功獎賞至十萬束者紀錄
一次再有多者照數遞加紀錄
一隨任親屬原定八旗外任武職各官將任內
所生之子隱瞞不報本旗入冊者照旗人隱瞞
壯丁例議處○康熙二十九年奏準八旗外任
武職各官因降革休致事故歸旗任內並無未
清之事者離任之後該督撫提鎮即令接任官
將該員家口察明造冊出具並無遺漏隱匿印

結一併咨報部旗於五月內催令起程照程途
遠近定限有驛大路日行一站無驛僻路日行
五十里按日計算扣定到京日期其有水路省
分願由水路行者豫先呈明仍照原定限期計
算到京均咨報部旗察覈如無故不即起程逾
限一月以上或中途逗遛或潛居別處或本身
進京而家口仍住別處有職者革職交刑部治
罪已革職者交刑部從重治罪若於原任地方
起程逾限不及一月或實因患病及有別項情
由不能起程或中途實因患病及有別項情由

旗人該旗人
石了
改字
旗字

不能前進者。取具地方官印結報部免議。至接任官將前任旗員家口聽其隱匿不造入冊內。并該員已經起程不將日期申報或已經申報而督撫提鎮不咨報部旗以致逗遛生事及中途妄借事端勒取印結地方官不據實申報遽給與印結者發覺皆照例議處。○又奏準外任武職例應歸旗者專管官不速催起程容留一人者降一級留任二人降一級調用三人降二級調用四人降三級調用五人降四級調用六級調用四人降三級調用五人降四級調用六

一革職兼轄官於所轄地方容留一二人

者罰俸一年三四人降一級留任五人以上降二級調用十人以上降四級調用提鎮所轄地方容留一二人者罰俸三月三人罰俸六月五人以上罰俸一年十人以上降一級留任。○雍正五年奏準八旗外任武職各官所有旗人及十八歲以上之親子弟皆不準帶往任所如子弟有實不能相離者呈明該都統將情由具奏請

旨其未至十八歲子弟欲帶往任所者呈明該佐領
參領都統存案準其帶往至十八歲時該旗行

不能前進者。取具地方官印結報部免議。至接任官將前任旗員家口聽其隱匿不造入冊內。并該員已經起程。不將日期申報。或已經申報而督撫提鎮不咨報部旗。以致逗遛生事。及中途妄借事端。勒取印結。地方官不據實申報。遽給與印結者。發覺皆照例議處。○又奏準。外任武職例應歸旗者。專管官不速催起程。容留一人者降一級。留任二人降一級。調用三人降二級。調用四人降三級。調用五人降四級。調用六人以上革職。兼轄官於所轄地方容留一二人者。罰俸一年。三四人降一級。留任五人以上。降二級。調用十人以上。降四級。調用提鎮所轄地方容留一二人者。罰俸三月。三人罰俸六月。五人以上。罰俸一年。十人以上。降一級。留任。○雍正五年奏準。八旗外任武職各官。所有旗人及十八歲以上之親子弟。皆不準帶往任所。如子弟有實不能相離者。呈明該都統將情由具奏請

旨。其未至十八歲子弟欲帶往任所者。呈明該佐領參領都統存案。準其帶往。至十八歲時該旗行

文該督撫提鎮勒限歸旗倘私自帶往任所及
隱瞞年歲將該員降一級調用○八年議準八
旗外任武職各官於到任三月內將所帶家人
姓名籍貫冊報督撫提鎮如管事家人有更換
者亦隨時冊報倘本官有虧空等弊將管事家
人一并審究若冊報不實或聽其贖身為民將
該員照隱匿逃人例議處不詳察之該管上司
照失察逃人例議處得財者并計贓以枉法從
重論○乾隆三年奉

旨嗣後旗員請留子弟隨任者該部務須察明實有

不能相離情由方可奏聞請旨○四年奏準八
旗外任武職各官其隨任子弟因赴選應試
等事來京由任所該父兄造具本人履歷年貌
清冊呈報該管督撫提鎮咨明該旗仍具文交
本人親投該旗察對若任所該父兄繫提鎮大
員可自出咨者即自行出咨其不候給咨私自
來京或領咨潛往他處有職銜人革去職銜閒
散人鞭一百如該父兄不為請咨給咨擅令來
京罰俸一年若已將情由呈明而該督撫提鎮
不給咨者罰俸九月至有事來京仍回原處者

呈明該旗咨明該督撫提鎮仍具文給本人投
該任所上司察對如不候給咨私回或領咨潛
往他處者該隨任子弟照前例議處其各官內
有緣事解任應留任所者如隨任子弟有應質
問之處由接任官申報該上司咨明部旗仍留
任所質問若無可質問其應先歸旗之隨任子
弟接任官不為請咨私令歸旗者降一級留任
隨任子弟不候給咨私離該父兄任所及潛往
他處該地方官未經察出申報者罰俸九月其
子弟亦照前例議處○五年議準八旗外任武

職各官若將任內所生之子過繼與人潛匿別
處居住者革職該管上司罰俸一年失察者罰
俸六月如能於半年內察出揭報者免議○六
年奏準隨任子弟至應歸旗之年實有不能相
離情由欲留任所者繫提鎮子弟該提鎮自行
具奏副將以下該督撫提鎮代為具

奏由部察明實有不能相離情由奏明準其隨任
倘父兄將子弟私留任所及隱瞞年歲不送歸
旗將該員解任親送子弟來京仍降一級調用

○七年

諭。向來旗員子弟自幼隨任在外。年至十八歲者。例應來京。若有欲留任所協辦家務者。準督撫代爲題請。聽候部議。其新授外任之人。子弟在京長養。年過十八歲以上者。非奉特旨。不得隨任。此舊例也。朕思旗員子弟不許擅隨任所者。一則恐在地。方滋事。一則留京以備該旗當差。如外任旗員。能嚴加約束。爲督撫者。又不時稽察。則皆知守分循理。可無慮其多事。至該旗佐領。若本有可以當差之人。而父兄外任者。將子弟帶往。則本人既可省兩處之食用。該佐領閒散之人。又得當差支領錢。

糧以資養贍。洵爲兩便之道。嗣後外任旗員子弟。年至十八歲以上者。在外仍令該督撫題請。在內著呈明該都統察奏。皆準其隨任。其不願隨任者。亦聽之。若隨任之後。或出署交遊。及干預地方之事。著該督撫即行叅奏。從重議處。欽此。○又覆準。外任武職旗人子弟。年至十八歲以上。請留任所者。若必逐案題奏。未免案牘紛繁。嗣後將請留任所情由。照例詳明各上司。該督撫覈實先咨部。旗存案。俟年底由部彙齊人數具題。其在旗初蒞外任官員。請將子弟帶往任所者。仍由

該都統察奏

一雜例康熙二十三年議準武職擅受民辭者降一級調用○又議準武職各官因事夤緣餽送禮物與者受者皆革職提問如餽送雖未收受並未出首後經發覺將不出首官罰俸一年○又議準武職各官有將任所民人買為奴僕者降二級調用縱容家人私買及委託營兵代買者亦照此例議處失察之該管官降一級留任○又題準武職見任官員聽任親友招搖詐

職誤乾速改正

下五
十了

革職○三十八年議準武職進京引

見借端科歛所屬官兵以充私橐者革職提問該督

撫提鎮不覈叅者照不揭報貪劣倒議處○又

奏準武職上司將所屬末弁如有事故並不揭

叅任意笞辱者罰俸一年○笞辱守備以上者降

二級調用○又議準武職宿娼者革職姦家下

有夫之婦者降一級罰俸一年姦軍民妻者革

職強姦軍民妻及姦官員妻者革職治罪和姦

軍民妻者革職孥獲姦夫姦婦私放者罰俸一

年得財者革職○雍正五年議準綠旗官弁暴

厲毆死奴僕者照八旗毆死奴僕例議處○十

該都統察奏

一雜例。康熙二十三年議準。武職擅受民辭者。降一級調用。○又議準。武職各官。因事夤緣。餽送禮物。與者受者。皆革職。提問。如餽送。雖未收受。並未出首。後經發覺。將不出首官。罰俸一年。○又議準。武職各官。有將任所民人。買為奴僕者。降二級調用。縱容家人私買。及委託營兵代買者。亦照此例議處。失察之該管官。降一級留任。○又題準。武職見任官員。聽任親友招搖詐騙者。革職。○三十八年議準。武聽進京引

見。借端科歛。所屬官兵。以充私橐者。革職。提問。該督撫。提鎮。不覈參者。照不揭報貪劣。倒議處。○又奏準。武職上司。將所屬末弁。如有事故。並不揭參。任意笞辱者。罰俸一年。笞辱守備以上者。降二級調用。○又議準。武職宿娼者。革職。姦家下有夫之婦者。降一級。罰俸一年。姦軍民妻者。革職。強姦軍民妻及姦官員妻者。革職。治罪。和姦軍民妻者。革職。拏獲姦夫姦婦。私放者。罰俸一年。得財者。革職。○雍正五年議準。綠旗官弁。暴厲。毆死奴僕者。照八旗毆死奴僕例議處。○十

一年議準。武職因公科歛不入已者。爲首降一級調用。爲從罰俸一年。該管官不揭報者。罰俸九月。○乾隆五年奏準。武職家人犯贓。本官失察者。降一級調用。○六年奏準。在官兵役。指稱公事犯贓。該管官知情者。革職。失察贓至十兩以上者。降一級留任。十兩以下者。罰俸一年。○又奏準。武職各官所用食物工料。將價直給發。遲延者。罰俸一年。半給半不給者。降二級調用。全不給發者。革職。所欠價直。照數追還。○十四年議準。運京銅船一到。該營汛官弁。按站交替。

催趲。撥兵巡察。將入境出境日期。申報督撫稽察。若運官無故逗遛。及有盜賣情弊。亦即據實申報。倘知情代爲隱瞞。照徇庇例。降三級調用。

國



